


Zemljotres zabilježen u blizini Tuzle, osjetio se i do Novog Sada



Zemljotres magnitude 4,2 stepena po Richteru pogodio je jutros nešto iza 9 sati područje 7 km od Mramora, između Srebrenika i Tuzle.

Kako javlja Euromediteranski seizmološki centar (EMSC), potres intenziteta 4 stepena po Merkalijevoj skali desio se na dubini od 10 kilometara.

Stanovnici Tuzle nam javljaju da su se zgrade tresle 5-10 sekundi, a podrhtavanje tla se osjetilo i u okolnim gradovima, od Srebrenika, Gračanice, Lukavca do Brčkog.

Kako javlja jedan od čitalaca našeg portala, potres je pratio neobičan gromoglasan tutanj, a podrhtavanje tla bilo je dugo i snažno. Na višim spratovima zgrada zaljuljali su se lusteri i drugi viseći objekti.

Prema svjedočenjima na stranici EMSC-a, potres se osjetio i u Banjoj Luci, kao i u Šidu, Bačkoj Palanci i 123 km udaljenom Novom Sadu.

Policiji i civilnoj zaštiti Tuzlanskog kantona nije prijavljena materijalna šteta.

Date: 21-07-2019